

## সূরা - ৯১

## সূর্য

(আশ্-শাম্স, :১)

মক্কায় অবতীর্ণ

আল্লাহর নাম নিয়ে, যিনি রহমান, রহীম।

- ১ ভাবো সূর্যের আর তার সকাল বেলাকার কিরণের কথা,
- ২ আর চন্দ্রের কথা যখন সে তার কিরণ ধার করে,
- ৩ আর দিনের কথা যখন সে তাকে উজ্জ্বলভাবে প্রকাশ করে,
- ৪ আর রাতের কথা যখন সে তাকে আচ্ছাদিত করে।
- ৫ ভাবো মহাকাশের কথা ও যিনি তাকে বানিয়েছেন,
- ৬ আর পৃথিবীর কথা ও যিনি তাকে প্রসারিত করেছেন,
- ৭ আর মানবাত্মার কথা ও যিনি তাকে সৃষ্টাম করেছেন,
- ৮ তারপর তাতে আবেগ সঞ্চর করেছেন তার মন্দ কাজের ও তার ধর্মপরায়ণতার।
- ৯ সে-ই সফলতা অর্জন করবে যে তাকে শোধিত করবে;
- ১০ আর সে-ই ব্যর্থ হবে যে একে পঙ্কু করবে।
- ১১ ছামূদ জাতি তাদের অবাধ্যতা বশত মিথ্যা বলেছিল,
- ১২ যখন তাদের সব চাইতে ইতর লোকটি উঠে দাঁড়িয়েছিল,—
- ১৩ তখন আল্লাহর রসূল তাদের বলেছিলেন— “আল্লাহর উপ্তী, আর তার জলপানস্থল।”
- ১৪ কিন্তু তারা তাঁকে মিথ্যাবাদী বললো ও তাকে হত্যা করল; সেজন্য তাদের প্রভু তাদের পাপের জন্যে তাদের উপরে বিধ্বংসী আঘাত হানলেন, ফলে তাদের একসমান করে দিলেন;
- ১৫ আর তিনি এর পরিণামের জন্যে ভয় করেন না।